



OPĆINSKI NAČELNIK

Broj: 04/1-14-1703.5/17
Datum: 14.11.2017. godine

Na osnovu člana 57. i 107. Statuta Općine Ilijaš-prečišćeni tekst ("Službene novine Kantona Sarajevo", br. 20/09), i člana 6. i 11. Pravilnika o utvrđivanju uslova, kriterija i postupaka za ostvarivanje prava na pogodnosti za investiranje na području Općine Ilijaš u svrhu razvoja i poticaja industrijske proizvodnje za 2017. godinu (u daljem tekstu: Pravilnik), a u skladu sa objavljenim Rezultatima od 31.10.2017. godine za sticanje prava na pogodnosti (poticaj) za investiranje na području Općine Ilijaš u svrhu razvoja i poticaja industrijske proizvodnje u 2017. godini (u daljem tekstu: Rezultati), Općinski načelnik, **d o n o s i**:

ODLUKU

o sticanju prava na poticaj za investiranje na području Općine Ilijaš u svrhu razvoja i poticaja industrijske proizvodnje u 2017. godini

Član 1.

UTVRĐUJE SE pravo na poticaj i visina poticaja za aplikante koji su ispunili propisane uslove po Javnom pozivu od 21.08.2017. godine za sticanje prava na pogodnosti (poticaj) za investiranje na području Općine Ilijaš u svrhu razvoja i poticaja industrijske proizvodnje u 2017. godini, kako slijedi:

Red. br.	Aplikant	Visina poticaja
1.	CLOUDIT d.o.o., Sarajevo	137.774,10 KM
2.	LIMSAR d.o.o., Vogošća	57.157,95 KM

Član 2.

Sa aplikantima iz člana 1. ove Odluke će se sklopiti Ugovori o dodjeli poticaja, kojima će se regulisati međusobna prava i obaveze.

Član 3.

Ova Odluka stupa na snagu danom donošenja.

O b r a z l o ž e n j e

Na osnovu člana 6. i 11. Pravilnika, a u skladu sa prethodno objavljenim Rezultatima, utvrđeno je da su ispunjeni potrebni uslovi za donošenje Odluke o sticanju prava na poticaj za investiranje na području Općine Ilijaš u svrhu razvoja i poticaja industrijske proizvodnje u 2017. godini, odnosno potrebni uslovi za utvrđivanje konačne visine poticaja za aplikante koji su ispunili propisane uslove po Javnom pozivu od 21.08.2017. godine.

Komisija je u postupku izbora kandidata u skladu sa Pravilnikom provela sljedeće radnje: utvrđivanje ispunjenosti propisanih uslova za ostvarivanje prava učešća kandidata u projektu, kroz provedbu I i II faze, izvršila bodovanje aplikacija, te na osnovu pojedinačno ostvarenih bodova izvršila raspodjelu raspoloživih sredstava uz primjenu kriterija da pojedinačni poticaj ne može iznositi više od 75% ukupne vrijednosti sredstava koje investitor plaća u postupku pribavljanja (izdavanja) odobrenja za građenje.

Na bazi provedenog postupka, dana 31.10.2017. godine su objavljeni Rezultati po Javnom pozivu za sticanje prava na pogodnosti (poticaje) za investiranje na području Općine Ilijaš u svrhu razvoja i poticaja industrijske proizvodnje u 2017. godine, na koje su aplikanti imali pravo prigovora u roku od 8 (osam) dana od dana objave. S obzirom da na objavljene rezultate nije bilo prigovora, Općinski načelnik u skladu sa članom 11. Pravilnika donosi Odluku o sticanju prava na poticaj, kao u dispozitivu.

Dostaviti:

1. CLOUDIT d.o.o., Sarajevo
Ul. Tvornička br. 3.,
71 210 Ilidža
2. LIMSAR d.o.o., Vogošća
Ul. Donja Vogošća br. 10.,
71 321 Semizovac
3. Web stranica Općine Ilijaš
(<http://www.ilijas.ba>)
4. Oglasna ploča Općine Ilijaš
5. Predmet
6. a/a

OPĆINSKI NAČELNIK



Akif Fazlić, dipl.oec